

PROOEMIUM

ut de prioribus ita penitus infallibile, ueruntamen sufficienti, ac probabili coniectura fundatum. Cum enim cœlum ad hoc, uel ad illud humanum corpus alteret, atq; disponat, bonamue fortunam, uel malam homini inspiret: non poterit propria uoluntate corpus proprium de infano sanum facere (de his loquor, quæ à natura sunt) nec poterit similiter bonam sibi fortunam in negocijs humanis, ac dignitatibus, & honoribus appropriare, & sic de memoria, intellectu, longa ipsius uita, & de cæteris. Nec inficior tamen hominem penitus humana sapientia, ac prouidentia posse stellarum opus adiuuare, uel incuria, & malo regimine abbreviare. Sed hoc raro & per accidens euenit. Quæ uero humanæ uoluntati subiici, & ab eadem moderari uel corrigi possunt, licet sint corpori à cœli influxu naturaliter insitæ, & propagatæ, ut concupiscentia, & irascibilis, ex quo aliqui ad desideria uoluptatum, aliqui ad iram, & uindictam, aliqui ad bonos mores, philosophiam, uirtutes, & temperantiam, ad fraudes, aliqui bella, & rapinas magis proni existunt. De his potest naturale iudicium proferri, ad quod cœlum naturaliter inclinât, atq; disponit, & sic naturali, atq; humana coniectura fundatum. Quum autem homo sit animal politicum, ipsumq; Deus intellectuali spiritu insignuerit, atq; eundem cœlesti radio uultus sui, & rationis lumine illustrauerit, animamq; eidem liberam, ac uoluntatem cum potestate arbitrii sui super humanas affectiones, ac siderum inclinationem donauerit, his medianibus (præueniente diuino lumine) humani corporis affectiones, & passionnes in diuinam, ac supernaturalem alteram naturam transferre, & commutare poterit. Vnde in his Astronomorum, ac cæterarum humanarum scientiarum iudicium fallax, & inane. Quod de brutalibus hominibus, qui non ductu rationis, quin uoluptatis affectu humanam naturam in irrationalem commutant, ut plurimum uerax fiet. Quicquid igitur in libro hoc, uel quorumcunq; astrologorum iudiciorum dictis circa futura contingentia dictum, uel scriptum inueneris, non aliter, quam hic modo prædiximus, dictum puta. Quoniam nostra hæc est sententia elementaria corpora quæque, siue ex eisdem compacta à superioribus gubernari: cuncta tamen diuinæ potestati, atq; hominum actus, qui ab hac moderari possunt humanæ subiici uoluntati.

ISAGOGICA SIVE INTRODUCTORIA

in cœlestem astrologicam disciplinam, & primo de

signis circuli duodecim obliqui.

Zodiacus, siue obliquus circulus in partes duodecim æque diuisus, signa totidem in longitudine, gradus uero duodecim in latitudine continet, ab egyptica medium possidente (quam Sol inuariabiliter calcât) senos uertens impartiens, per quos à Solarî itinere planetæ reliqui, plus modo, uel minus, aut nihil quandoq; diuertuntur. Ex quo ab egyptica septen-